

T5236 05/4462

190

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 20 1940

英華在第九百二十六 碑八十三神道四十四

職官二十四 法史司馬

楊州長史王公碑一首 果州刺史李公碑一首

柱府長史程府君碑一首

梓州司馬楊公碑一首 涪州司馬鄭公碑一首

隴州司馬楊志誠碑一首

揚州太都督長史王公神道碑 蘇頌

生甫及申思皇多士必許謨以亮采惟盼靈幽替者不曰

才乎君安其才居其業奉冊霄之下濟詞白日之中辰者

不曰命乎顯城王府君諸某字某爰事英主皇皇我神武

金 期寶臣藉我公輔及揮綸翰來刀尺宜其升天下登

苑英華卷第九百二十六

碑八十三神道四十四

職官三十四 長史 司馬

揚州長史王公碑一首 果州刺史李公碑一首

桂府長史程府君碑一首

梓州司馬楊公碑一首 涪州司馬鄭公碑一首

隴州司馬楊志誠碑一首

揚州大都督長史王公神道碑 蘇頌

生甫及申思皇多士必訐謨以亮采惟聆嚮幽替者不曰

才乎君安其才居其業奉冊霄之下濟詞白日之中辰者

不曰命乎霸城王府君諱某字某爰事英主皇皇我神武

金 疑 期寶臣籍我公輔及揮綸翰乘刀尺宜其尹天下登

哈佛大學哈佛葉宗
圖書館珍藏印

宰衡雖克揚其休而不踐厥位何也府君之始魏安僖王
弟信陵君之績秦滅魏謂之王家者遂命氏焉其後世居
霸城族著京兆故得魏藩公子錫胤稱宗是猶齊國夫人
因昌保姓况神臯之表裏刑盛俊城之相承綬冕固以侷
儻卓犖為龍光五代祖罷西魏尚書令贈大尉相州刺史
扶風公紀于周史高祖明遠隋雍州大中正弘化郡守司
金上士銀青光祿大夫書大旂勒大鼎猗那成績繁衍重
世曾祖壽隋州都七職主簿隋氏淪胥煬皇板蕩竟全孤
竹之操不敗幽蘭之芳祖唐世系皇朝晉州司倉參軍
同州河西縣丞父慶趙州方子冀州棗強二縣主簿文秀
儒雅韶光鏡跡雄雌之歎則聞鸞鳳之栖未遠公八歲工

詞賦十五讀典墳十八歷涉代史十九初遊太學二十升
甲科三傾五城一日千里諧選部冊天門出九流之先當
萬夫之特授亳州城父尉且未光也無何棗強府君不祿
毀將形骨扶杖於家者三載哀不絕聲倚廬於墓者六祀
古魯子死事之中今老萊生事之極思奉檄以盡養顧瞻
疑 楮而足耻庭闈何適有南山之隱路蠻塾不倦有北海
之儒門教子弟學成志立盖云十數而府君雲卧林栖傲
然肥遁迫於從父之命就以賢人之辟授華州華陰縣尉
復冊甲科轉京兆府美原縣尉換華原丞庶問之舉屈為
之佐殊尤之薦用冠於首擢拜左臺監察御史王憲斯執
國刑不紛一歲遭內艱如在先考之戚禫關制復舊倖臣

左補闕何輝圖怙勢作奸頗盈罪惡府君直言正色莫避
權寵簡墨條奏當朝允之遷殿中侍御史無何拜尚書戶
部員外郎轉祠部主爵考功三郎中邦有教謂之安國有
祀謂之事則人祇之政罔弗格邦有等謂之爵國有功謂
之課則賞罰之旨罔弗齊自非貞迺應物敏於成務疇能
振景拔萃州渟岳立主上旒冕而思一以寰宇腹心特重
其掖垣故近密委於侍臣緝諧連平小相拜給事中轉中
書舍人剽犀兕者其議可以斷割賦顛鷄者其言可以遠
天况天詞徃復行於中旨人望虛佇期以上台姑試之劇
備觀周美遷兵部侍郎回翔要津拂拭夷路消長容其正
忠邪順其直戎昭者有畢力之師彛序者無曠負之人以

東南封圻淮海殷維雖陸攝水標填干委輸而風果氣銳
懲以剽輕巨鎮何有繫公則賴乃出為揚州大都督府長
史陽秋信風雨若不兢不練有倫有要化之為最理念于
茲嗚呼景命不融流年孰返以年月日遺疾終於府之官
舍享年六十府庭颺恸問巷聚哭攀舟楫以咨嗷越江關
之重複名流常化雅俗追嗟嗚呼以為當代所歸禮謝於
陳在豈謂逢時共許愛深於產卒夫靈龜明鏡可以決疑
駟馬拱壁不如進道牽於彼則疑已釋存乎我則道已用
府君是以寘毛髮之愆徵膏肓之疾加以博聞好古精義
入神有夫子之文章得吾家之書籍馬或繕每富山藏當
工篆體間以琴德不輝穎而好事者珍每成聲而知音者

嘗疑作賞身歿之日所纂集二十卷自彈琴几數張俾後代

美其華旨其實垂芳塵之菴藹採嘉頌之洋溢其高致歟

粵開元十五年龍集於卯仲春日晨卜塋於京兆咸陽洪

實原禮也周之董原漢之槐里卅碑已刻青檀成行子八

人長曰有次曰寔並行齊魯閔聲軼元季徵昔有八子之

名喪有二連之善府君之仲著作佐郎敬從者季太廟丞

擇從者敬也瑚璉之器擇也金玉其相稱之真披文之實

記吾人早遊學序曾比義於青襟晚哭寢門匪致能於黃

絹辭所不獲強為之銘曰

高惟雍兮大曰京遷王氏兮着霸城或公或侯散佩重纓

于子孫孫府君挺生其德有必綜才無不括勝情風翔偉

量河濶帝曰俾乂求賢如渴公其哀然藏器以達其二

清憲清憲攸歡四趨光明光孔彰並躋雙掖其忠

益皆掌二柄二柄方正其爰迴藻司迺蒞揚都政既成矣

公嘗邁乎輔我皇極奮于天衢柰何不藏遠世而殂其世

閔人之不息兮人遠世之遂即獨四塞之山川兮畫千年

之封域噫古之不朽詩載是力撰懿圖芬兮清深廣直其

故果州長史李公神道碑 張九齡

公諱仁瞻字某趙郡房子人其先自段干木至栢仁侯皆

以醇德茂公奮于上世始於藩魏終而將趙其名不隕遠

集作遂濟于今五代祖後魏中書侍郎始豐唐世系表同此

懿公璨璨生徐州刺史始豐慎公元茂元茂生趙郡太守

府君諱鳳昇表作子之字鳳昇生駙馬都尉直閣將軍府君諱道

宗道宗生齊尚書兵部郎中府君諱山壽公即郎中府君

之子仍世致美在邦攸宜故我公稟靈中和履道元吉以

學則探其奧旨見聖人之心以行則踐其嘉言合君子之

度以故動為人譽名乃日宣義府孔修德輿云遠故未可

量也隋大業中舉孝廉洎唐興調棧州司戶參軍滋相二

州總管府戶曹參軍莫不事人以直反身於誠處卑能安

敬長則順故光輔郡將周爰我咨自州徂州或嘯或諾既

而遷金鄉晉陵二縣令敏集作精識以亢事善教以長人四

封用乎三英以繫彼蒲與密獨何有焉以課最遷歸州治

中郢州司馬加朝散大夫行果州刺史盤栢參佐未

道非吾行德不集作無必貴遂以沒代豈命也夫某年月

卒于官舍享年若干及喪至自蜀而塋不歸趙乃卜宅於

許封樹汝墳子孫遂家亦既重世至開元中公之孫曰察

以古諸侯之祿奉先大夫之祀晝遊本郡輝光前列非清

白以遺善慶之餘保艾爾後人亦何以臻此於是履霜為

感恭惟春秋之事刻石是圖俾揚祖宗之業斯善繼者也

叙而志之銘曰

長史英英作為世程動合雅度休有令名以之入官從事

而昇集作名以之佐郡為政孔明悠悠上天曷不貴德終于

參佐孰云邦國孝孫其昌餘慶乃彰宰集作家樹蒼蒼徽音

不忘

文苑英華 卷之三百三十一
桂州長史程府君神道碑

李邕

觀厥品目異等業尚獻臣天與才名神福壽考而中留官
序小往代艱位不極乎多能績未宣其利用戢駿翻韶良
工悲聲起於絕絃泣涕形於抱玉自傷楚老豈獨公明而
已哉公諱某字某廣宗新安人也其先出自顓頊重黎之
後周之休父入爲司馬漢之不識擢居衛尉至若昱輔魏
主嬰立趙孤奉日以納忠殺身以明節精誠發於寤寐義
烈冠於人倫宜其貽謀克家寵光形圖業與時並名與功
諧者也五代祖響府君陳襲重安侯隋蕭縣宰四代祖育
府君隋車騎將軍曾祖皆府君隋涿郡主簿大父弘府君
皇明安陽令考大辨府君泗水六合二縣宰撰東征記

卷藏之秘省莫不託宿元德從事老成典學積於蓬山能
賦秀於詞苑府君令始家則光有國庠博通全經悉數賢
行孝曰曾子文似相如下筆不休遺言無擇陳平長者把
臂每多田蘇好仁引繩相重解褐徐城尉始足下也旋應
五臣昇第遷宋城轉櫟城簿王畿政重帝告事先握札雲
飛聽訟風靡載擢來庭長安二赤縣尉樽銜御黠夙駕承
天驚暗若神應封猶響籍聽擢左臺監察御史仁克寬仁
無害耻爲許刻雅欲優閑朝廷許之轉詹事府司直歷城
直歷城門郎長杜武進朝邑曲沃好疇雲陽宰六縣皆代
工開化順時布和慎簡里胥周省條簿其清水鑑其坦砥
平從心術以外形隨手妙以旁發人樂新政俗勸古風載

遷魏州司馬靜守憲矩審喻案察官師有章人吏不黷疑

黷屬右族黜免徹嗣姻連奏引諫書醜詆宰輔選其頗正

其奸賊志士寒心明家質首左遷府君饒州焉謫子昕崖

州舍城尉俄轉府君桂府泊島夷干誅天師問罪憑險毒

送死阻兵昕乃不俟檄徵自促銳陣挺身而當矢石救而

而覆寇讎馬旋泥中人走岩下憤氣雖作救兵莫臨劔交

於胷戈達於腋其命則殞其目不瞑嗚呼爭首謂忠供養

謂勇倉卒歸盡零落無成有感路人愍悼慈父沉悲生疾

積痛傷年猿堪斷腸烏可銜木人非命也天何問焉以開

元十六年十月五日奄徂化於宮合以其年月日及塋於

其原舊塋禮也夫人廣宗潘氏封某縣君即銀州刺史

勸之息女柔茲孔嘉貞淑不訓是佐君子宜偕永年桃李

早零柏松同衲子皓曜曦等並才彥惟有名教克開優游

翰墨之場造次仁義之域宅憂殆滅追孝有望匍匐昭親

哀迷紀石邕以披顏友道列坐詞人談笑未終存歿相訣

情也有勸涕之無從雖不工於文將達其義詞曰

曾源積兮流彌長高闈慶兮齡亦壽命不泰兮時未將何

寵祿之中否從政理之孔臧坐踈屬之嬰累重愛子之飛

章遭一門兮二謫備周歲兮兩喪寄求懷兮身後唯沒代

兮揚名

梓州司馬楊君神道碑

陳子昂

君諱越字復珪弘農仙掌人也其先帝高辛氏之裔周有

天下晉受其封至宣公伯喬早基揚國若乃彤弓旅矢玄
鬯亦兼則禮命之樂歌之崇天王之寵光保元侯之福一作

休祉其後十六世一作代有揚寶者天賜黃鳥授以白裳若

曰令君子孫世登三公迨震秉彪賜四代五公烈光照于

漢室盛德充於海內金圭銘鼎至今為弘農世家也高祖

椿魏尚書右僕射開府儀同三司司徒公進位太保加侍

中給後部鼓吹致仕歸邑賜安車駟馬傳制三一作二人可

謂國之元老帝之師臣功成名遂社稷之寶曾祖思善齊

通直散騎侍郎贈中書侍郎祖敬通鎮遠將軍鄭州治中

邛州別駕父居同隋蒲州芮城縣令皆國書舊史列于名

節公即芮城縣君之第二子也少而冲嶷苦節真素家

玉帛室有琴書聞少連之風而悅之庶乎身中推行中清

上以際乎天下以敦乎物不應州郡之命有金玉之心常

嘆曰以明珠彈千仞雀吾不能也是觀寶龜之象心滅彘

願探金虎之爻志在幽履遂去家遁于嵩山經十餘年丹

仙白雲之志眇然矣屬太宗文武聖皇帝初臨天下物色

幽人初山傍道網羅遺逸君子若曰天下有道可以見矣

於是始以角巾應命褐衣謁闕陳大道之閑暮論至言之

闡奧四字一作公於天下帝曰俞爾言乃可底行若歲大旱用汝作

霖雨令南山近塞北漢連胡石州邊烽皇化未謐汝往欽

哉輯乃人禦乃敵以息匈奴之患始解褐授石州方山縣

令樽俎在堂干旄在階布大信於德戎示折衝於衽席威

名震耀乃升聞也有詔一作徵授憲臺監察御史綉衣始

拜珥筆升朝臺閣以之生風豪貴由其歛手又勅授中書

侍御一作侍制未幾又遷秘書郎直中省如故遊鳳凰之池觀

蓬萊之府是天下之榮踐也又轉宗正寺丞居歲餘帝

思南史之才將崇東觀之美又遷起居郎如騎都尉龍朔

中天子將觀兵於東夷以復先帝之業凡居中者多出守

旁郡是歲授公朝散大夫除冀州司馬同知州事于時天

下雌韓而雄魏將壯武帝疑而柔文公始厭承明出臨外

郡探九聖而犯禁崇奸欲嘗朱傳之能以親疑作龔遂之

政公深鈎潛徃英機立斷短服赭裾於是乎理麟德中兼

授梓州長史蓋在華之南區彭之北鄙豪俗侈靡政削公

纓一作摯六國之遺昨雜三巴之中壤公下車問道觀風

立政先之禮讓教以詩書抑浮竄禁冗食堂叩鐘磬家擅

山川莫不為之節制行其典禮來暮之頌復起於斯時高

宗大帝方接千載之統升中太山玉帛雲趨朝者萬國預

陪金蹕拜侍瑤壇白雲既封皇慶斯洽加朝議大夫餘如

故太上旋命御駕來歸殷楹夢奠遇病薨於官舍時年六

十四嗚呼哀哉遺令薄塋不藏珠珍孝經一卷堯典一篇

昭示後嗣不忘聖道即以某年月日塋於西嶽習仙鄉登

仙里西麓遵遺令也嗣子嘉賓等哀號哭血柴骨戀心緬

惟罔極之恩思崇末錫之道以為君丘于役無助冥因季

由之嘆空勤負米於是考群聖之典擇衆妙之門求所以

昭報幽扃贊社其籍則云金仙茲救寶手來迎若德崇於
此則功濟於彼是用歸誠真諦祈祐能仁箱鐵圍而寫容
描一作金蓮而得象於登仙麓之瑩則造阿彌陀像一區
座高三丈并衆變菩薩天人畢備全金湧出象寶裝嚴雲
仙鬼神周羅上界珠幢羽蓋圍遶中天蓋所以丕顯尊靈
光昭惠業達人之事畢矣孝子之事親終矣銘曰

巖巖太嶽兜兜長河歎雲滃霧溼靈貯和陽侯之國死其
中阿子孫瓜瓞軒蓋駢羅四代五公旬子伯起蟬聯彪懿
令問不已二千戶侯三十刺史世濟其榮至我君子峩峩
君子皎有令光不寵我組而括其囊洗心岩遁抗迹雲翔
異鳴來遠白駒在場解我薜蘿縮我墨職邊朔多虞檢統

孔棘之子之往允威允得干旌在階烽火罷色行行驄馬
繡衣之光烈烈董狐司史之良而我君子總其徽章出同
嚴助政穆王祥雄魏既康劫蜀徇侈攬轡言邁題輿載理
尺兵允戢亂繩攸靡天子登封拜服玉趾大禮既畢西歸
遲遲歲亦秩止天不勅遺呼呼訖吏號泣連而曷其往矣
來慕歌思煢煢孤子棘心哀疚來號昊天渺泣冥祐蓮花
之國金池玉雷崇此香緣生彼荷秀全金既湧衆寶斯裝
考墳其後淑瑩其旁香花圍遶松柏成行千秋萬歲祚祉
無疆

中散大夫行淄州司馬鄭府君神道碑 張說

五岳可涉唯德也謂之崇高萬物皆化唯名也謂之不朽

若夫行欲蓋而德彰道無求而名立嘗聞其語今見其人
公諱某滎陽人也華州刺史襄成公備之曾孫蒲陽太守
大濟之孫荊州刺史乾符集作之子在昔周王敦序九族
封集作懿親於鄭維時鄭伯敬敷五教賦善職於周其後
蕃衍儒門光華士族盛行西域名震京師入則天子授經
出則單于抗禮公揭日月表山川體二氣之清淳納百代
之層慶越在岐嶷異於常童既以冠帶遊皆長者初以門
子宿衛解褐涼州叅軍轉嘉州司士又宰鍾離嘗陽二縣
皆秩滿兼攝江陵暮月政不改俗官不易方群盜出奔遠
人來附其所處也入境開愷悌之風集作其所去也扶路
有鬱陶之思非夫忠信以結之法令以濟之易簡以業之

仁義以肥之孰能順人此如其理者乎 皇玉冊授天金

壇拜洛頓網而鶴書下闕門而群龍至公侍制公車詔義
宣室自以奇士承一顧之恩許其正人參四率之屬乃墨
制除太子右清道長史尋加中散大夫行淄州司馬負士
元之才於是拜職遇丘明之疾從茲挂冠洛汭閑居漳濱
沉痾優游卒 咸福應愆期豈惟朋友之哭將見神仙之吊
享年七十有九神龍二年夏六月十五日終於洛陽之私
第冬十一月集作一日歸葬於滎陽之舊集無原成先志
也公執親之喪三年泣血以聞州里不亦孝乎先人餘業
一物不有以讓兄弟不亦悌乎加以賑窮紓急陽集作德
陰施惠人由已反身待物是用氣類益親聲談載路善繫

劍好揚壺盡五射之妙巧究六書之體勢此蓋行有餘力
則以參能位不文量天之命也有子曰博古曰博雅曰嘉
慶集作曰嘉徵集作曰嘉重生極其養沒過乎戚忝惟皇
考安宅靈丘盛德備乎集作卑位家風缺乎國史代石他
山寄哀詞客子產遺愛得無叔譽之曰公業不亡實有苟
救之嘆式撰鴻烈垂之後昆銘曰

大君有命桓公封鄭世執王政其後不兢為韓所并以國
成性沉水截河溢為滎波荆山之阿勝氣實多高門我我
袞服委他猗嗟君子世一作濟其美動如義市居成仁里
鳳集文忠猿啼孤矢善政當官惟人所安救危拯越勞而
不伐大運奄忽芳雷形沒高壠既封深泉又重徑無人蹤

蒼苔歲濃哀哀丘隴墮淚青松

隴州司馬楊公神道碑

前人

公諱忠

集作

誠字某弘農華陰人也厥初生人為姬伯之

祖因邑命氏有楊侯之胤其後東凌奮而開國西漢盛而
移關門廬隱隱亘連桃塞之上碑闕巖巖蔽滿華山之下
明德之後世有人焉大王父隋直閣將軍岷尉撫豪道五
州刺史邢國公諱貴大父故左衛副率慈汾二州刺史靜
公諱譽考故常州刺史工部侍郎鳴臚卿金紫光祿大夫
散騎常侍太子少師賜開國集無此儀同三司上柱國鄭
國懿公諱宗敬若夫家聲代業累德積仁故以克隆前統
光啓來葉矣公稟純嘏之粹靈漸軌物之名教端操以正

已崇讓以與人厲精以探道善問以毓德學無不達藝無不周成童有傾矚之望既冠爲宗匠之表年十三調太宗

集作常

挽郎尋補潞王典籤大夫門子執紼橋山王國詞人

曳裾睢苑皆一時之選也明慶中詔郡國舉賢良公對策

天朝無能出其右者遷太子通事舍人再舉高第徒國子

監丞坊監清流才地擇東朝束帶銀榜增華西序影纓環

林益潤高宗接千載之統嗣百王之業封岱岳禪云亭稽

于舊章俟茲通博乃除公禮部員外郎祠

集作祀

事克明大

典欣叙建邦分職得人者昌吏曹居六官之首求郎盡一

時

集作臺

之妙又轉公吏部員外郎準的文昌羽儀州地王

夫人憂去職公至行純篤幾於滅性雖杖經外除而業

不加等門人記其喪禮天子憂其死孝服畢授幽州三水

今曳尚方之馬鳴單父之琴志道不矜其大才勤政無陋

其小邑善聲流於幽籥惠化在

集作而

於周原又應文擅詞

揚舉策試天下第一敷陳聖謨啓沃明主寃天人之際建

皇道之極如有用我者其爲東周乎朝廷納賈生之言排

汲直於外乃拜公隴州司馬未及赴官遘疾卒於長安之

私第春秋若干王祥未施於邦政陳寔近

疑終

集作止

於邑

長位不允德其如命何神龍初中宗克復丕業格于文祖

迺睭從臣緬懷先正以公二子在章綬之列遂追贈公使

持節太州諸軍事太州刺史非夫立言不朽陰德陽報安

有邈諸孤而崇

集作隆

家旣沒世而榮號哉夫人天水趙氏

殿中監武權公某之子

集作女

也受訓公宮作合君子言容

實於國史德行循於法度六姻之內宗焉始有輔佐之力
卒延門戶之寄初公之捐館也九子呱呱哀絰喪位賴夫
人是顧是復日就月將徙宅依仁閭門成訓三十年內八
子登朝庭交虎綬之華門接魚軒之軫某年月日封梁國
太夫人景龍二年五月七日終於長安之延壽里間者遭
家遷播几筵靡托而今蒙國昭洗情禮獲申以先天元年
十月二十五日合葬於少陵原禮也第二第三子夫人在
堂而沒長疑子第八子夫人在殯而亡今並列於塋兆用
嘉魂魄長子故兵部郎中子前衛將軍此未懷徽烈思勸
銘頌郎中昔嘗緒言意感延州之許將軍今復哀託情

高節之悲高跡難名短詞莫六隸採諸故老恭存梗槩云

無

云其詞曰

昂昂揚君秉心泉懿大河雷岳含光毓粹學少妍精文道
逸思行為時範言為故事存蘊令德沒揚虛位慶善克家
哀榮乃備嗣姑稱妙敬妻口冀復有母儀千載一致貞墳
土隴同封此地芳烈悠哉金生碑字

文苑英華卷第九百二十七

碑八十四神道四十五

職官三十五

別駕判官附

高平別駕權幼明碑一首

曹州別駕張無擇碑一首

嶺南節度判官宗義仲碑一首

故朝議大夫高平郡別駕權公神道碑 獨孤皮

開元天寶之際玄宗始以八柄付三公由是台司得專其

廢置其中或因寵憑位

集作憑 罷固位

權天下有異已者諸附離

之者皆出入三臺若公才令名以望見憚則稍稍優其俸

而黜其職故天水權公幼明由新安令為絳郡司馬高平

郡別駕而沒同於道者皆竊歎之是歲天寶六載秋八月

也沒後二十有二載歲次己未春二月返葬洛陽故塋夫

入新鄭縣君滎陽鄭氏祔焉縣君某官某之孫某官某之

子十字集作某縣某以仁儉好禮輔佐懿德柔明之風訓

齊閨門壽六十五大曆二年十月某日終于丹陽初公娶

于博陵崔氏生子曰驊而終新鄭以繼室生四子曰馱集作

同軼下曰申曰噐曰舒不幸短命驊馱申噐悉忠信好學善

屬文位未顯而令名歸之慶之垂訓之流也至是既卜宅

兆驊等懼日月逝集作遠後裔不知先人之德善謂及忝

聲華集作之舊故使錄而銘之云公諱胤集作字幼明

西天水人也權氏之先出于顓頊其遠祖殷武丁之少集作

小子生而有文在其手曰權因以權受封且受命集作焉至

周為楚武王所滅國除其後有仕隴西者遂家于天水歷

漢魏晉宋問子孫世為都尉郡守至裔孫翼與王景畧同

佐符堅官至僕射翼生二字集作後景宣景宣生士玠並

知名於時士玠生萬春歷華州刺史封千金縣公華州生

集作右領將軍曰文獎領軍生集作永興令曰懷育公永

興之嗣也桑葉之明德粹氣叢乎其躬故融而為仁行播

而為文學童子時舅氏崔湜奇其文嘗謂有何無忌之似

其鄉舉也考功郎中蘇頌拔諸郡萃之間連尉湖城汾陽

新繁渭南河南五縣開元二十三年拜監察御史會監祭

太廟先時同集有事者約相與偕赴及將赴祭約者有故

不至遽不暇告公曰人約我矣豈可先已而後信乎遂不

不至遽不暇告公曰人約我矣豈可先已而後信乎遂不

赴坐是降為河南府法曹君子義之初選部舊制每歲孟冬以書判選多士至開元八年乃擇公廉無私工於文者考校甲乙丙丁科以辨論其品是歲公受詔與徐安貞王敬從吳鞏裴朮李宙張恒集作恒等十學士參焉究其升獎皆當時才參考判之日由此始也于時天下無兵二十餘載縉紳之徒用文章為耕耘登高不能賦者童子大笑公攘臂其間以仁義為已任片字隻字動為學者所法時輩榮之而居家清方惟德禮是仗潤身飭吏不過經術不矯持操以媚貴游二字集作貴游媚梓行威作福者忌之由是官徙而階不遷從法曹數歲而後有新安之拜及至歷降郡安平任愈踈遠安貞守中一作中正未嘗易方虛舟其心與位升降

春秋六十四而終蓋道之行止與時不并論者以漢梁叔

敬桓君山為比公所著文二十卷其立言之宗趙郡李華

嘗集無此字編而叙之矣集無此字若世系事業則書諸文其文曰

喧兮權公有德有言忠恕廉清道直而溫行有餘力足言

斯文居高蓋績勤約是守與明與信寧黜無集作不苟跡屈

志申義彰身後冉政游學左詩潘詠風流遺烈足以遺子

九原與歸末由也已

曹州別駕張公神道碑

集作故通議大夫和州刺史吳興郡張公神道碑

白居易

張之為著姓尚矣自漢大傅良侍郎肱晉司空華丞相嘉以降勳賢軒冕歷代不乏肱避地渡江始居于吳故其子

孫稱吳郡人嘉以孝悌聞於郡故其所居號孝張里嘉之

曾孫裕在宋為司徒即公五代祖也司徒之孫儔在趙集作

是為吳郡都督即公曾王父也台州臨海令諱鵬即父大

集作王父也袁州司馬諱季集作績即皇考也或以人物著

或以婚集作閻集作閱稱迄今為江南右族公諱無擇字無擇未

冠丁袁州府君憂廬于墓晝號而夜泣者三年矣有靈芝

醴泉出焉既冠好學能屬文從鄉賦登明經第應制舉中

精通經史科補弘文館校書郎調左金吾錄事換一作杭

州錄事叅軍在杭州前後詰偽制吏者三十八人駁假年

侍老者三千人舉而正之人伏其明會劉幽求來為刺史

舉課上聞詔授絳州錄事叅軍絳之郡丞有主婚者估一作

法豪奪人利公數其罪露章奏之章下丞相府丞相姚

崇竒之致書褒美尋改太原府功曹叅軍給事中張昶

為江淮安撫使表公正直奏署郡一作從事吏部尚書陸

象先為河東按察司使狀公清白奏授懷州獲嘉令在獲

嘉以不茹柔得人心以不吐剛得罪繇是左遷鄂州司馬

移深州司馬轉號州長史時上方思理詔求二千石之良

者時宰以公塞詔擢拜和州刺史公在郡奉詔條卹人隱

而已不知其他無河水潦害農公請蠲谷籍之捐者十七

八時李知柔為本道採訪使素不快公之剛直密疏誣奏

以附下為名遂貶蘇州別駕幼艾攀泣集作老幼而遮道者數

百人宿信方得去移曹州別駕歲餘謝病歸老于家天寶

...

十二年正月二十八日終于東都利仁里私第十二載集

其年二月十二日葬于河南府伊闕縣中里原享年八十三

噫公生天地間八十有三年可謂壽矣其間當明皇帝馭

天下四十有五年可謂時矣有其才得其壽逢其時然職

不過陪臣秩僅至郡守凡所貯蓄鬱而不舒嗚呼其命也

夫公之文學嘗為賀知章賈彥璿許之公之諒直常為李

邕張廷珪稱之公之政事又為劉姚張陸推之夫以八君

子之力援之而不足以一知柔之功推之而有餘厄窮不

振以至沒齒嗚呼其命也夫古人云道不虛行又云其後

必有起集作者故公之子大理評事誠以節行聞于時公

孫戶部侍郎平叔以才位光于國報施之道信昭昭矣

不在其身即在于子孫相去幾何哉長慶二年某月某日

叔奉祖德揭而碑之四字集居易按據家狀序而銘之其

詞曰

有木有木碩大而長破為桶棧疑作不作棟樑有驥有驥

規行矩步辱在短轅不駕大輅嗚呼噫嘻公亦如之將時

不過我而我不遇時勿謂已矣天錫多祉既賢其子以濟

其美又才其孫以大其門苟無先德孰啓後昆

嶺南節度判官宗公紳道碑 巨廬誥

夫工文者或儒於勇烈善武者或昧於政理徐則失於斷

疾則寡於謀至若文而有勇武而有政徐而能斷疾而能

謀者公有之矣公諱羲仲字羲仲其先南陽人也高祖出

宰榆次因家太原昔宋襄公之母弟敖仕于晉至伯宗為
 三卻所害州黎犇楚其子家于南陽以王父字為氏公其
 後也遠祖均東漢為九江太守累遷司徒六條分而千里
 雲行五教敷而四方風動厥有成績罔或不臧自東漢迄
 于聖代英賢間發吏謀詳焉魯祖隋雍州牧鄱陽將軍諱
 義國之選也烈考皇靈州錄事參軍諱良獻人之望也皆
 績成前緒垂祐後昆秉德不回世濟其美公則靈州府君
 之仲子也父武父文惟忠惟孝卯歲失趨庭之訓絕漿有
 類於參乎弱齡喪倚門之慈泣血不殊於柴也曾未弱冠
 克自激昂不安顏子之貧遂投班生之筆乃慷慨而言曰
 文武不墜在人弘之遂從安思順破魚海敗五城授上柱

國又從哥舒翰破吐蕃收九曲前後討伐稠疊勲庸累遷
 游擊將軍左武衛中郎將暨乾元中秦州防禦使都督楊
 公公之懿親邦之碩德也懷郭有道之深識行祁大夫之
 內舉以公才兼文武德備剛柔表為司議參軍尚賢也至
 上元初揚公為同州刺史又表公兼韓城令當縣團練使
 任能也撓捨未攘僉從孔棘既因之以師旅又加之以畿
 饑寇盜蟻聚於我疆黔黎烏散於他境城壁頽圯鄽戶閉
 藜嗷嗷彼方望公如歲公於是完城郭脩器械均賦歛峙
 糗糧城郭之完也則蠹長雲以倚天器械之脩也則騰勁
 霜以撲地均乃賦則流人不召而來峙乃糧則軍士不戒
 而備農狎於野商復于肆去其煩苛敦其簡易曾不期月

而人知所庇解印未幾朝廷多之遷澄城令無何揚公拜
御史中丞嶺南節度乃諮叅公謀授以叅軍時宦官呂太
一怙恃寵靈凌雲神主前節度張休爲之棄甲公於是稽
顛畧演遁法筭之以孤虛考之以風角潛軍間道克復舊
藩甲士不勤而克黨殲矣所謂不戰而勝者也乃太貢方
賄不叙庶績朝議嘉焉授大理少卿且監察御史仍充節
度判官懋賞也棘署亞卿表其赤心而刺外栢臺杜史俾
其白簡以正邪方將振翼南溟竭城北闕曜威靈於象郡
布渥澤於龍川豈上天不惠降此大矣閱水去而不留藏
舟淹其長逝以求泰三年四月六日寢疾捐館於上京務
寮里第春秋四十有二以其年五月十八日塋畢陌原禮

公之元昆曰夷仲早世而殞公之季弟曰昌仲爲光祿
寺丞撫孤追往號慟靡及惟公禮以檢身忠以奉國其事
上也敬其臨下也簡御衆以寬撫孤以義率性而仁愛及
物因心而孝友過人從官之祿利散霑於疎屬承家之資
產悉付於同生宗族之所嗟稱寮友之所景慕者也夫人
昌黎郡君亘盧氏太原交城令元備之孫寧州真寧尉廣
洽之女也調諧琴瑟志厲冰霜施衿結縵作嬪君子婉嫕
淑慎宜其家人伯道無兒豈獨悲於晉史其妻誓死寧專
美於衛詩痛失翼於凌虛思招福而遺有終願削髮禪寂
納衣空門愍幼女之未嫁抑深心而少止歲月逾邁陵谷
有遷願播芳猷紀之貞石詵也不佞知其爲人哀彼譚公

念茲歸祔乃爲銘曰

於穆君子問望不已文武並茂忠孝兼美德所立兮奕奕
韓邑敷敷疲人命公爲宰厥政維新化所及兮小臣不帥
肆雲荒裔師徒不勤渠魁自殪資令謀兮聖朝懋賞俾崇
乃秩卿月照庭堂霜輝質沐鴻休今天地不仁殲我邦彥
百身莫贖孰不興怨行之積兮孀妻孤女魂斷骨驚爰紀
貞石永播芳名美無斁兮

文苑英華卷第九百二十七

文苑英華卷第九百二十八

碑八十五神道碑十六

職官三十六

州官

趙州錄事參軍陸孝斌碑一首

玄州司戶呂處真碑一首

瀛州司戶李府君碑一首

趙州錄事參軍贈齊州司馬陸公神道碑

張說

公諱孝斌字順姓陸河南洛陽人也其先帝嬖啓姓陳胡
立族敬仲之孫有齊國宣王之弟封陸卿蓋命氏之所由
興也秦并諸國陸分氏適燕吳在燕者魏文成帝時東平
成王侯生平原簡王麗重世游美爲國之華公即簡公七

世孫也曾孫彥昇北齊以文藝高選仕秘書郎以至德表
所居號終孝里祖玄亮隋鷹揚郎將父淳感盤桓利貞弓
招莫進同志誅行謚爲惠康自成簡至惠康集無此
六字孝弟
仁義世不殞矣公誕靈冲和稟識高朗簡而中禮易而達
節篤學勵行著實飛聲文史者宗其淵府德行者仰其壻
初舉國子明經選絳州叅軍始州司法一作德安
府法曹其在官
也示人親其親長其長不苛察而小無廢不皎異而大有
成知識曰明常憺如也喪親過哀因中風廢卧疾累年不
赴楚邸筆封大羅雲逸雖沉疴未彌而愈望允集作
光歸授
楚王府兵曹叅軍實有躬降師宥之禮目繫儀刑之訓府
罷換趙州錄事叅軍以病去職聖曆元年匈奴入趙公危

不處盡室以行望河南而將濟至黎陽而疾甚年六十
有三十月丁未終於姚村之逆旅歸殯於滏陽之郭北光
天三年皇帝踐祚以故吏贈齊州司馬惜哉用公之道行
公之志上可以存三光下可以平九土存則位不充其德
沒則榮不逮其身命矣夫夫人范陽郡太君盧氏故岐山
丞元瑾之女恭儉之德備貞信之教與妻道母儀自家刑
國享年七十有六開元六年十一月丁未終於洛陽之宣
教里八年五月丙子合塋於漳北之神崗禮也初咸亨中
王師征遼公叅是軍事友人太原王守義遇疫於海東路
艱寇阻兵危勢急公獨顛沛致喪歸其井邑其在安州朝
廷以公精達法理乃命覆囚劍南梁岐寬繫動盈千百冊

筆所詳十全八九其捨生殉義返已施仁皆此類也禮莫重乎飾終於是見其不朽矣善莫大乎餘慶於是知其有後矣四子伯王仲容叔獻季良泣血銜恤視天若墜俾予作頌式昭遺懿銘曰

曠哉陸公觀奧臻妙文雅外炳清明內照從政本仁資忠移孝不言而理正身作教才何富之命何負之居喪柴毀遭疾棲遲垂彼雲翼落此盛時歿後榮進終延贈寵德之休明位匪爲重嗟嗟千載賢上之壠

玄州司戶參軍贈慶王友東平呂府碑 張九齡

夫官雖序賢志道者不常有位才雖屈命福善者未必無後子夏文學之達以爲富貴在天于公央曹之平則云

孫由我蓋不享當代生數猶哥流慶後人平體乃用亨之

會也則蓋有無集作原焉公諱處真字虔永集作求東平人魯

祖北齊幽州長史府諱贊祖隋貫州中正府君諱伽考滄州清池令府君諱師昔伯夷在唐實典三禮四嶽佐禹用

平九州虞夏以功而逮集作見封申呂因邑而命氏惟特厥

後奕代丕承公正性之有自來直道之不克詘嘉勇退之

爲集作性德避近名之未善集作然越在弱齡棲遲事外用光

本於藏耀履行期於滅迹不遠於仁行之斯至不苟於義

方之自正集作止佐一郡而即安居九夷而匪陋始不然者

公何掾於東裔哉起家授玄州司戶參軍晏如也言旋初服遂從所好外物之槩不雜於風塵遠予之言唯聞於詩

禮所謂溫良淑慎無兢伊人者歟天冊二年夏四月遇疾
終于家春秋五十有二開元四年冬十一月葬於邑城西
南四里原夫人北地傅氏紉焉夫果於立誠靜以俟命力
不足者則不攻運不至者則不憂物情之難及我而易是
以名利衆之所欲也則澹泊之德義人之所鮮也亦克蹈
藉之如此而神不勞福不流未之有也有四子長曰玄知
今左威衛司戈次曰玄悟中散大夫使持節鄜州諸軍事
守集無此六字鄜州刺史次曰玄智左威衛執戟次曰玄爽左
衛長上惟玄悟至大官此其教忠有舊服義無斃好爵是
興集作與餘慶所貽入爲王門之長出居邦伯之列屬恩推
等貴名彰身後事有光於冥漢德乃發於馨香三命爲

代稱先子孝理所賜邦族爲榮開元十七年有制贈
公慶王友夫人贈河間郡君系仁一作人之符至是所驗惟
神之鑒謂之不欺公之女孫曰東平郡夫人冠軍大將軍
右監門衛大將軍渤海高公之夫人鄜州刺史之女也米
玉相暉椒蘭同馥由福履於君子與吉集作嘉會於善人齊
姜于歸魚軒曄以昭路御疇之往熊軾殷其若雷有車服
而始大履霜露而追遠於戲食于舊德無念集作忝爾之奉
先樹之休聲有以見其歸美銘曰
赫赫茂祖惟師尚父泱泱大風悠悠終古施于胤裔憲是
文武我美其濟我則斯取雖匪高位亦惟碩德我王之友
彼夫之特旣貞且亮宜語而默投足皆安終身不忒我我

積善以福後人吟饗家慶煒煌宗妣瞻彼松楸集作錫光
絲綸今也追飾實為先臣先臣伊何宜其有後志之所尚
義無所苟身雖既沒名豈虛受立德于茲亦云不朽

故瀛州司戶參軍李府君碑 前人

君諱某字某趙郡房子人祖山壽齊尚書右丞兵部郎中
父仁瞻朝散大夫果州長史世德所載見于先碑公懿烈
無忝雅有風度集作體和而韻縉之以絲性婉而文受之
以采故好學不倦而墳典必精慮善以動而規矩皆中悉
心存乎道義餘力見乎文章人以善談日聞休譽弱冠舉
進士調補同州參軍換瀛州司戶參軍以素所履以施有
政居獲乎上往得其中無不嚴祗長史之所嘉歎無不崇

讓同官一作年之所默服宜爾哉教光昭令圖如顏子之不

幸豈卜商之云命其年卒於官舍春秋若干公家世尚儉

子孫是式初先大夫之喪也清白以遺而果無私積高燥

是榮燥一作標而庶有慶餘豈所謂不戀本達也無懷土以重

遷不傷生仁也無因財以遺集作乏非夫然趙之北際何必

故鄉許之東備亦云樂國故喪之歸也遂窆于斯及嗣子

察受教養方能慕德恭服享華髮潔身清朝天子方差擇

其良惠恤于下山是解印少府剖符大集作木州衣綉而歸

雖榮之在畫重茵以立而悲不逮親結諸心形諸色孝子

之志國人所稱於是乎歸美以揚先讓德以示後蓋蒸夷

之義也得無述焉銘曰

文苑英華卷第九百二十八
倬李侯世載德行時範言士則三英粲集作發非百夫特肥而
家華而國美無度命不融足云集作方駿途斯窮子餘慶享
次嵩我不馴藹遺風

文苑英華卷第九百二十八

文苑英華卷第九百二十九 碑八十六神道四

職官三十七 縣令

益州溫江縣令任晃碑一首

原州百泉縣令李楚才碑一首

益州溫江縣令任君神道碑 楊炯

漢丞相之尊官大位秉車集作輪滿於十人齊景公之利用

厚生有馬盈於千駟羽旄冠劍從金鳴玉疊其前苑囿池

臺清歌妙舞喧其後崇高在於寵祿大欲存於食貨義然

後取橫玉帶以當仁道不虛行坐鹽梅而自得若乃時之

不與數之不通貴賤任於天窮通由於命左大冲之詠史

下寮實英俊之揚稽叔夜之著書賤職為老莊之地雖復

勢力以高下相懸尊卑以商周不敵孔宣父中都之小宰
 幽厲多謝於陪臣陳仲弓太丘之一官公卿有慙於縣長
 是以德成者上道在斯尊陶潛則安枕北窓言偃則鳴絃
 東武柳楊足以儀四海顧盼足以破三軍代有人焉於斯
 為盛集作斯公君 諱晃樂安博昌人也其後因官遂家
 蒲州之永樂天子令德軒皇為誕姓之涼諸侯計功薛國
 在宗盟之後西京執法則有御史大夫東漢循良則有會
 稽和尉任光鄉里之忠厚任隗朝臣之綬直益州按華陽志任文
 公智士仕益州英華作淮陽非 從事術數知名臨海真人清貞克已况乎
 東西海岱強齊九合之都表裏山河全晉三分之國車馬
 雷駭衣冠鼎盛盟書百代可謂功臣遷徙丘陵實惟豪族

曾祖顯祖熙考憬並策名天爵獨步人師懷素履之幽貞
 保黃裳之元吉張家碑碣荊州有七代孝蕪荀氏鄉亭頴
 川有八人才子君外資剛健內育文明合千載聖賢之間
 鍾五行金木之秀王恭濯濯秦柳懷風和嶠森森寒松列
 集作 景有曾孫之孝有史魚之直有子夏之文有冉求之
 藝先王德行固名言而在茲大聖溫良亦顛沛而於是當
 朝一見許其王佐之才行路相逢知集作 其美人之贈解
 褐為家令寺主簿天王太子之位赫赫前星天地長男之
 宮嚴嚴集作 左闕出身事主元良永固於萬邦束髮登朝
 上鬯不驚於百里秩蒲授將作監主簿千門萬戶張華窮
 壯麗之圖東主西賓班固致集作 謳謠之實一作職集作

掌宮觀是名將作大司馬桓温之府績用在於元琳大將
軍竇憲之曹文章寄於亭伯累遷右衛長史南京左掖上
將陪藩北落師門天軍例衛東觀漢記梁統有清白之名
中興晉書薛萇有恪勤之譽詔遷朝散大夫行益州温江
縣令華陽西極漢水東流背面通秦越之鄉左右夾巴涼
之地風煙可接懸車束馬之山雲物潜通織女牽牛之象
神仙所宅則有二十四居途路所經則有五千餘里金城
石郭還聞上代之風國富人安時聽中和之樂於是乎罷
泉獨斷龜旒旁求品命千名封疆萬戶暫過云亭乘軒之
望可知且詰中軍理劇之才右屬旌孝悌勤農桑省徒得
存鰥寡所以一縣稱平所以百城尤最蕭育是杜陵男子

不入後曹黃浮非鄉里所知不寬同歲洛陽行馬門士無
心齊國池魚權家絕望鄭文公邵陵之縣但稱男子之名
師尚父灌檀之鄉唯有神人之哭實謂樞機八座上下三
階豈惟縛柱鞭絲操刀製錦巫馬期之任力樊起集作乘

星鍾離意之悅人災生解土享年五十有九以鳳儀二年
六月二十五日卒於官第夫人姚氏徵士神人之女也壽
丘僊葉媯水靈苗定姚信之機衡審姚光之耐藝明星燄
燄不臨太丘之前暮雨沉沉不散巫山之曲婦人謂嫁曰

歸

集無此
二字

女子有行織紵組紉棗脩榛栗南斗千齡之匣

忽愴沉江北方三代之儀終悲共穴先以咸亨三年七月
二日終西京翊善里之私第越儀鳳三年冬十一月一日

集有歸附於末樂縣歷山之平原卜虞芮之閑田帶關河

之設險居人致祭同漢書鄉有朱邑之祠惟力成墳葉縣

有王喬之墓君燕趙奇士神仙中人容貌魁梧衣冠甚偉

楊子雲之窮巷好事來遊段干木之閤居通侯展敬自陳

力就列居家可移妾本絕於織蒲馬無聞於食粟原子思

之厚秩偏給鄉人孔文舉之中罇延留坐客加以偏集作

觀國史尤精釋教夢幻泡電知一切之皆空園林貨財見

三陽集作之已淨遭時集作屯坎浮生蹇剝佳入不再荀

奉情之傷神赤子無期潘安仁之慘慟天乎到此命也如

阿及其瞑目少城歸懷舊壤平原古樹唯餘孺子之墳春

露秋霜非復臯繇之祀於是鄉隣作主朋友加麻撰德

之於素表集作披文刻之於翠石魯哀公作仲尼之諱大

不慙遺蔡伯喈為有道之碑人無媿色其銘曰

軒帝之族漢朝之臣西州智士東海真人豪傑天縮衣冠

日新實生其德必有其隣道在為貴知機則神氣衝南斗

價直西秦大蒙集作之信太平之仁辨窮非馬學究成麟

孝友為政觀光利賓重朋比德少海為春宮室之象南斗

集作比辰甲兵之衛閭闔鈞陳山控金馬江迴玉輪天文

井絡地紀梁岷庭前置水甌内生塵園蠶有繭集作野雉

來馴時命屯蹇生涯苦辛實叙虛集作贈玉樹長淪厚集

輔德無輔清集作仁不親百年天枉集作一旦歸真雷鳴

之下長河之濱旌旆委鬱徒御逡巡悲風泊起血下霑巾

死而可續人百其身

原州百泉縣令李君神道碑

前人

金城裂地之灾玉弩驚天之禍蹠崑崙以西倒蹋泰山而
 東覆三微歷數盡薰歎以聲一作星非沉萬國衣裳咸土崩而
 瓦散是故殷憂啓聖聖人騰海岳之符草昧興王王者受
 風雷之趾集作社則有思窮齒識潛觀赤伏之萌識洞機祥
 暗察黃星之兆天懸兩日詢去就於河宗地震三州考興
 亡於柱史危邦不入亂邦不居剪荆棘而叩天門臨壇場
 而對休命及其玄黃再造日月重輪功成而不居名遂而
 身退南華吾師也親居賤職東方達人也安乎卑位然後
 武城絃唱優游禮樂之中彭澤琴樽散誕羲皇之表維此

當陽之文武蘭菊猶

集作恒

存而薛孟嘗之池臺風煙遂歎

悲夫死生命也貴賤時也用之則行舍之則藏出處者君子之恒務左右之攸宜吾聞其語矣今見其人也

君諱楚才衛州衛縣人也昔繞樞神電軒轅氏之馭百靈

貫月祥星顓頊氏之臨四海金科作範商丘有帝系之雲

玉扎披齒幽谷有真人之氣由是公侯策命歷千載而彌

昌鍾鼎歡娛經百王而不替豈直將軍列位孫吳暗合之

兵協律當官天地冥符之樂若斯而已矣曾祖裕後魏東

宮舍人太子洗馬使持節徐州諸軍事徐州刺史燉煌郡

開國公贈兗豫二州刺史真城西望高闕東臨非無置驛

之歡實有前軍之寵瑯玕負海八門都督之榮王彰穎河

百代封侯之貴大父昌北齊彭城王府中兵參軍事隋濟
陰郡成襲封燉煌公文塲筆海炤爛等於星辰班固談叢
鏗鏘叶於風雅九千里之丹鳳始踐王門七十日之黃龍
初階郡職考孝友隋晉州岳陽縣令顏回稱太平王佐一作
佐王月角殊姿仲由稱禮義霸臣星一作奇 衡詭狀唐都晉野
有恒山太嶽之風墨綬銅章有錯節盤根之化若夫于公
之宅駟馬爭驅辛氏之門五龍齊駕英靈不已還當命代
之期將有後徵集作物克保承家之業東郊競日探秘跡
於機衡四蜀談玄測靈心於造化雄才壯思首九奏而和
天音殫一作見洽聞披五車而接集作誦 三箴加以興居禮
樂出入孝忠簡於一人備於萬物弓旌疊奏始命賢良

鳥交馳載徵巖穴從微至著濫觴萌括地之波積小成
覆簣漸排雲之構隋大業十二年補謁靈集作臺散從員
外郎非其好也屬千三否運百六災年諸侯窺王莽之尊
天子厭金陵之氣蚩尤則命風召雨桀黜於中州共工則
折柱傾維崩騰於海縣能扶天下之危者必據天下之安
能除天下之憂者必享天下之樂我高祖神堯皇帝所以
從人望宅靈心鎮集作振 天關廻地軸鼓聲雷駭親張霹靂
之威旗羽星懸手握招搖之柄君冲情索隱妙筭知來候
東井而考前聞裂西河而尊故事扶三畧之奇謀蘊六韜
之祕訣集作上畧中畧奏山石之奇 義寧二年授車騎將
軍累加開府武德五年遷右衛二十四府右車騎將軍仍

於邛集作私州鎮守皇階甫闢猶勞尉候之虛集作靈天步初

夷尚有風塵之驚示之以文德陳之以武功所以夜集作外

戶不扃所以重門罷折六年轉仲山府左列南州集作巴舊

俗淫其白獸之祠西棘餘毗背我黃龍之約王師直進陵

劍棧以長驅廟路遐宣指銅丘而決勝七年詔君討襲楓

天棗地金門玉帳之營方卦圓著剡木弦弓之射以此衆

戰誰能敵之以此攻城何城不克雷出而星曜龍騰而鳳

飛一鼓而擒四姓三戰而平百濮大夫耆老非唯二十七

人拓土開疆豈直五千餘里返行飲至拾爵策勲焉禮也

其年加上大將軍賞口十六人弁良馬一疋而俄以爭功

獲罪游俠從君集作居特降王綸遐遷騰府通塞有命潘安

但之緒言富貴在天卜子夏之餘論無諧集作階封禪密數

息於周南絕望夏集作靈臺竟棲遲於漢北太宗文武聖皇

帝承聖皇之大寶奉天帝之休期雷雨八瀛光華四極旌

賢赦過惟新之命屢覃念功簡勞惟舊之恩累洽貞觀元

年授長樂監仍命集作令於北門供奉宜春禁苑太液神池

浸石菌而揚波擢金莖而挹露南經丹徼恒陪萬乘之遊

北統集作流黃山再奉三驅之禮當是時也穆穆焉煌煌焉

濟濟焉鏘鏘焉一陰一陽而有序自南自北而無外猶復

中宵不寐殷勤多士之林吳景忘疲渙汗非常之辟十四

年應詔四科舉射策登甲第明於國家之大體達於人事

之始終可謂宰相之業集作朝可謂皇居之寶漢朝集作洛陽

才子承宣室之談魯國儒士行踐中都之邑尋授靈州鳴沙縣令累遷原州百泉縣令科通紫微却負黃州涼秋九月寒沙四面平雲匝隴處處而秋集作愁陰圓魄低開蒼蒼而夜色君乘輜演教佩紱臨人德被三城風移五縣抽琴命操還臨單父之堂繫石飛鳴集作聲即對李泉之學明以御下將水鏡而通輝清以立身共冰壺而合照神行有感方登王鉉之階靈化無方獨歎瓊棺之墓春秋七十有一以顯慶元年十二月八日終于官舍君年十一丁艱朋友相哀家人不識昔稱曾閔今日苟何近古以來未之有也隋郡東曹掾江溢見而歎曰此真可謂保家締化嗟尚者久之大業末年皇綱漸紊不掃一室自懷包括之心獨

太玄且忘名利之境于時魏特進房僕射杜相州等並以江海相期烟霞相許付同心之雅會訖刎頸之良遊或閉戶讀書累月不出或登山涉水經日忘歸斯賢達之素交蓋千年之集作而一遇泊塵埋丘岳海沒三山辭殷而奉

周背楚而歸漢深謀遠慮即良平無以加也行軍用兵則韓彭不能尚也數奇命蹇一作舛遂無望於高門日往月來

竟消聲於下邑情均寵辱則萬象同歸跡混彭塲則百齡俱盡浮生若寄大漸彌留遺誨子孫庶幾薄塋等梁鴻之宅兆邈矣佗鄉符祭仲之高居依然新鄭唯仁與達君其有焉存榮歿哀此之謂也即以某年月日葬於某原夫人廣平宋氏齊尚書左丞士順之曾孫隋建安郡司法長文

之季女霜妻月瑩菊艷茗華淑問秀於閨房柔風洽於詩
禮琴前鏡裡孤鶩別鶴之哀竹死城崩杞婦嫺娥之泣

湘妃之怨

長子金河府校尉上柱國輔仁等十輪方駕萬石駢

衡窺上帝之兵鈴入先王之冊府指蒼天而求訴血不霑
襟對白日以長號悲來填臆於是總麻執友素蓋賓朋傳
祖德於高陽考豐碑於太學庶使城隍一變猶知鄧文之
名陵谷三遷尚識鍾繇之字其銘

集作詞曰

玉斗之英瑤光之精巡河并洛握紀提衡柱史論道將軍
用兵陸離簪紱奕葉公卿嶽牧騰譽弦歌有聲階蘭疊影
巖桂增榮山澤通氣風雲表靈凝脂點漆月角珠庭白玉
無玷黃金浦籬忠爲令德孝實天經朋友千里烟霞百

琴罇野尚松竹山情數屬郡海時逢鬪星黃龍電震白駢
雷驚赫矣高祖元亨利貞聖人有作天下文明自北提劍
因茲間行攀鱗北海附翼南溟水火之陣狐虛之營左提
右挈東討西征巨猾斯斬元亮載清功符衛霍思若良平
自滿知集作人損居中忌盈蕭條異縣坎壈浮生降以中旨
賓于上京陳書詣闕對問揚庭山連鴈塞野接龍垆暮月
而已三年有成波瀾不息箭刻無停梁木其壞高臺已傾
關雲斷絕隴鴈飛鳴頓雙鳧於葉縣喝四馬於騰城

文苑英華卷第九百二十九

文苑英華卷第九百三十

碑八十七神道四十八

職官三十八

縣令二
丞尉附

蜀州青城縣令達奚思敬碑一首

并州太原縣令路太一碑一首

瀛州河間縣丞崔漪碑一首

故洛陽尉贈朝散大夫馬府君碑一首

蜀州青城縣令達奚君神道碑 員半千

粵以煌煌冊草非濟物之用而冊府書之粲粲白石豈益
國之器而史官紀之况乃六義基身四維成性風調百里
雨潤一方動植俟之以滋榮人倫資之以和樂使仰之者
若日月敬之者若神明畏之者若雷霆愛之者若父母而

可謂盛德湮滅無聞於後哉君諱思敬字安儼河南洛陽人也若乃二星分北掩龍沙以居宗六月圖南擅鵬溟以

爲大實一作寶非天命昌意啓我幽都帝一作宗封始均天一作代

雄弱水積六十七葉九九十九姓豫鄰之代分爲諸國兄

第七人各統一部天倫之盛達奚居上高祖遷洛有志諸

華思變其風多改舊族故達奚於後使姓奚焉周氏沿革

復姓達奚氏矣自茲厥後可畧而言魯祖諱武字文朝爲

玉壁大將軍東道大行臺十二將軍同華二州刺史雍州

牧太師太傅太保鄭國公諡曰桓于時齊氏跋扈於并鄴

有遷鼎之宏志周人經綸於關輔當運斗之有功一作兩

界交爭三運遽及攻守之術應變若神戰勝之方倉卒

妙由是天臺八柱分作宰牧之尊帝座三台合爲師保之

貴大父敷太子左千牛尚輦直長時高臺漸傾曲池向干

金玉滿堂化爲道德瑚璉入廟直接明神早露先霜不登

爵秩昭考諱孝茂皇朝滑州司兵參軍易州易縣令却負

盧龍之塞漢疑作魚陽之突騎成風前欵飛弧之門邽戰之

俠客交亂君水火相濟文武兼施巨闕之前訟端自喪常

山之下符採生輝君則驪泉夜光虹巖朝彩籠雲罩月之

穎必由於尺檠遵江及海之浪亦經於寸源叙用有階莫

或不踐總章中以仁勇校尉守左衛率府翊衛秩滿以文

藝優長簡入吏部後解褐承奉郎行幽州新平縣尉雖時

以爲美心非所好故咫尺之間無因聘馬也秩滿停家積

年授徵展駿足未超

一作起

前路辭滿之後遂以丘壑爲心

垂拱之初天命已改則天皇帝攝行君政心遍區中採芳
草於蘭澤省山苗於松澗迺留神陸沉隨方擢善二年授
高陵縣主簿以舊德起也屬西蕃不靜北方多難被奏充
牙道行軍司兵事不獲以遂即戎焉君設策請拔碎葉疎
勒于闐安西四鎮皆知所計謀存於我功在諸人授之加
朝議郎行蒲州司法叅軍事既表裏山河股肱要壤用之
惟噐選擬爲難君盤根錯節等扈人之遊刃發伏摘姦同
郢匠之揮斷紫宸迴顧赤縣瞻風長安二年調補乾封丞
矣疑蜀岷山井絡之分帝以會昌梁州與鬼之躔人爲繁
雜相如之宅無復德音文翁之堂空餘陳跡人不見德年

代以深舊稱難理斯焉是賴四年授蜀州青城縣令以人
望遷之君下車布政惟誠待物舉義壯忠貶惡除盜或謂
曰不迺濶乎君謂之曰前史有之舉有義者所以救貪汙
無耻也舉有行者所以救廢亂失道也舉廉讓者所以救
分爭也舉遜順者所以救橫逆也舉質朴者所以救離弊
也舉醇厚者所以救賤賊也今若此皆有吾何已焉吾薄
劣實荷榮獎既承澆競之餘復當巧詐之盛若不憲章古
道祖述前脩貞彼傾轍不遷其軌必也政成何望暮月遂
爲明科例自形諸已以上善而包荒用中而禁暴曾不晦
朔闔境肅清剽狡潛散謠頌攸遠聲震錦城雙流爲之變
色德克集作重錦里八郡以之易心屬七廟靈長三光復道

則天推位應天嚮明以加朝散大夫承國慶也將謂魯恭
才識坐入司空卓茂賢明行昇大傳豈馳波易遠過隙難
留遽沈連石之暉遂往懸碑之路神龍二年八月二十七
日終於長安之義寧坊私第也惟春秋五十有九惟君少
懷忠義以信分爲冠冕長好急難以然諾爲爵邑天姿孝
友率性冲和虞仲寧學高德博而蒸嘗無主劉休涓帝室
王門而湮祀不繼太夫人醜西李氏將軍該之女有行業
每以此歎之君夫人義興縣君蔣氏則尚藥奉御豈之曾
孫太子門郎義安之女琴瑟友之同誅河州之什蛟龍合
矣共赴延平之津景龍二年十月十六日終于義寧里春
秋五十有一以景龍三年三月十日合葬于咸陽之畢而

原禮也有第二女道光柔順德備幽閑雖裁柳絮之篇未
獻椒花之頌適太原郭氏左衛武亭府別將長上如玉之
妻墻宇端肅風神爽邁溫良日用忠孝生知束髮祈榮彈
冠入仕敢當仁於潘掾荷昔眷於戴侯爰託青烏方榮白
鶴南瞻渭水庶見儀天之橋北望荆山長標鎮地之固其
詞曰

龍司北溟鵬翻南海地鬱靈氣天降神宰奄有諸華遂荒
章亥抑推高祖正朔斯在兄弟之國七族攸昌親賢胙土
國姓斯光奚于陸穆衣冠紀綱西魏將末北齊竊號太祖
經綸玉壁是犒匪禁小賊用虞大盜累加垂疑作秩每贈
優勞守禦功多鄭國是報昏明迺運陵谷成災直長聖翼

有美且偲青松藹藹白雲皚皚施于易縣尉有楚才一作惟楚
才欽若惟君歷游華渚整翻理翰嘯倚命侶風光融融靈
青滑滑道以濟俗德以禦侮龍飛中興明鷲上騰立方星
聚六合雲蒸朝興斯炳大夫如陵翼搏風而上征倚天衢
而元亨風叩京兆之郡日薄長安之域白鶴崇隴青鳥相
瑩琬琰斯勒存沒爲榮

并州太原縣令路公神道碑

獨孤良弼

夫作德儲祉垂裕錫羨玄運之符也以爵聚貴顯親昭孝
國令之勸也然則道先於物者靈徵速功備於人者恩典
其參厥命數考其慶端至哉太原茂業斯在矣公諱太一
勳平臨清人也其先帝嚳高辛氏孫曰玄元有功於唐堯

對路中侯建德賜氏公即其後襲顯圖紀才不虛世迨於
隋也曾祖襄位至上儀同三司大長秋令文皇之建極大
父文昇仕至左光祿大夫秦州刺史中宗之紹復烈考元
哲官至并州渝次縣令惇忠淑亮異代同節公淵凝有志
度合昇表心順性命體形格訓至道可憐疑浮運可端造
融理極得天地之全者也始年八歲丁尊夫人艱自然崩
毀異日不食既孤無疑睦幼弟溫慈誘最息更氣時務於
勸誠者每推於教本舉以誨人年十五讀老氏春秋精用
所得不爲虛學以先蔭補太廟齋郎歷衛益齊三州司功
參軍思其官會其要雖決恒務有弘大猷所去之邦服其
理尋擢授并州太原縣令故相國河東公張嘉貞時典此

郡以公諫納今古風韻環郎嘗謂密所親曰雅通不隕今復見於斯 由是有要託始不隔公禮之分矣其實爲邑之政潔其性源異氣齊和土壤可信出處語默無非教焉及秩滿送歸之日老幼畢至瞻望嗟涕如去其親嗚呼運及世期靈歸化本春秋五十七於歸途逆旅遺疾而終時開元五年八月十三日也夫人滎陽鄭氏始州臨津縣令方喬之女禮部侍郎溫琦之妹清顯齋考明閨訓經理于內上則是宣故得叶議純賢誕昭後慶後公十載而歿以開元二十三年合祔於京兆府萬年縣少陵原從先塋禮也有子四人長曰兼之撫州司法叅軍次曰梁客蘇州海鹽縣令次曰羽客鄭州別駕咸該蘊器藝殂命下位

齊兵部尚書冀國公贈尚書右僕射嗣恭啓應前休折儀弘表苞合文武爲朝碩臣城朔方清嶺表乾綱立西北之柱坤位正東南之極夙敷惠術實德于人六專尚書再仗麾鉞於是建國命爵崇廟饗靈寶應初始贈公同州刺史夫人滎陽郡太夫人今聖踐祈遷贈左散騎常侍幽祿之恩照融上胤貴寵之位歷乎兩朝弘密之行光宣二詔且夫體仁居貞含德自保大道之宗也福流來胤克昌大業積善之應也貂冠具服位光近列揚名之義也邊豆有序饗獻以時罔極之尊也備茲懿典其可已焉建中三年夏五月孝孫前秘書省著作郎應泊令弟懷州刺史恕前秘書省校書郎憑天釁崩心血哀過性楚蔡匍匐旌樹先塋

式遵無念用彰不朽以良弼冀公幕府之舊見託書詞敢
存實錄之紀以成尊祖之業其詞曰

於祖太原貞表峩峩含為淵鑑發為中和大道有本至聖
匪磨雖求其約竟獲其多亂歲執喪自然知毀友慈幼弟
已外之已作則三語為天百里雅噐虛融時髦所為名全
上德壽闕下寮後裔斯顯天監孔昭湛恩被壤宜運登朝
一命五馬耳榮八貂東南之原歷世封交疑重罔轉伏對
闕蒼聳山色靡移松陰不動烈祖之碑孝孫所奉

瀛州河間縣丞崔君神道碑

張說

蛟龍蟠乎沼無雲雨而不翔君子志乎道無運命而不
然則變化者是神靈之末富貴者非德行之本守其真

其分不其至矣世有人焉君諱漪字某博陵安平人在唐
為姜姓炎帝之孫也在周為崔氏齊侯之胤也遙源長發
洪河之水接于天層盤列秀太行之山拒于海東觀所以
美其文宗北州所以貴其清族魏冀州刺史簡公諱慕君
之高祖也齊散騎常侍諱缺君之曾祖也隋大理少卿諱
世立君之大父也故和陽令諱抗君之皇考也承百代之
隆慶總五德之清淳孝友忠肅宣慈恭儉好古博雅隣幾
亞聖盈而若虛漠而無象非夫入周公之廟升孔子之堂
則憲章禮樂鮮得其門而覩矣弱冠以門曹入國學舉進
士母弟汲以明經同年擢第大理卿張公文瓘人倫之表
也日君曰昔兩劉並舉以為騁二龍焉今兩崔齊飛可為

儀雙鳳矣縉紳景慕憧憧往來徙宅就居投刺成市若衆
流之赴壑也及親而往盤桓利貞解褐澤州晉城尉降爲
光州安樂尉換鄆州黃梅縣尉轉河間丞凡更三尉佐四
邑體公綽之不欲勵伯夷之高操臨事以簡樂人以寬雖
爲小政必有可觀故八使巡風再薦清白河上遺老江濱
舊使吟詠餘聲祖述前事人到于今稱之若夫碧樹烟靄
於江潭紅荷藻耀於澤畔寶貝烟光於空浦美玉明潤於
斷岸不爲金集作珍輿瑤輦之飾前殿後池之玩誠自得焉
必將有賞心之所歎也况乎殿邦光國之寶罇列柱石之
噐道爲帝王師言爲天下利已而稅遠駕於窮轍頓高才
於下位亦無情焉固將有知音之所歎也垂拱元年奉使

上都遘疾終於時邕里之旅館享年六十有二夫人河東
裴氏湖州治中懷儉之孫滁州司馬昉之女也稟訓華室
作合高門嗣徽先姑克和娣婦德容之盛圖傳罕有喪親
過毀葬華朝落儀鳳中卒於鄆春秋二十有八長安三年
春二月合葬於金谷鄉却山之陽禮也北據高崗連隴南
面大道禁臨上國皇州川原指掌仙門宰樹碑闕相望玄
靈嘉之是安集無此二字是宅嗣子曰用景龍中爵安平縣子
職兵部侍郎夙遭閔凶不承誨誘慎終追遠克家用譽蒙
聖主投竒賞異絕等超倫三顧赤墀之下三舉青雲之上
祿廩所資吉蠲致美實先集作非人宥十世降百集無百字祥之
所及也未唯官不達者身不登乎明堂行不夸者名不書

乎史冊則韜光隱隱之緒俾後代將何述焉夫銘景鍾鼎
茂代彼大夫之事篆豐石揚令名此孝子之志詞曰

維嶽建國厥生炎帝維師尚父諒彼武王古人言曰必齊
之姜齊之丁公後有崔子因邑命族世齊其美黃鵠倚歌

雕龍擅史倬哉嗣武含章挺生以養蒙正用晦而明混之
不濁人莫能名學以崇道文以慰士集作志垂其雲翼坦然

卑位祿建吾親榮非我仕於皇集作皇皇上帝建官惟賢有人
在下胡寧捨旃孰云輔德曾不永年展矣邦媛且其家室

友如樂諧皎如月出重壤既兆終天偕畢北陵墳丘松檟
千秋金碑石樓祗令人愁東都城郭通同集作淵纏絡飛橋

運閣金管迭送人世之轉然兮山川之宛然兮德音之綿

然兮

故洛陽尉贈朝散大夫馬府君神道碑 前人

君諱某字某扶風人也其先伯益贊禹中衍御殷集作殷非在

周曰羸在晉曰趙上卿以人歸政將軍以馬服為姓緝熙
乎平理重合焜燿乎伏波中水我高祖汾州刺史諱歸歡

我大父鷹揚即將諱士幹嚴考獲嘉令諱果濟美惟舊冥
德于君君幼而瑰竒長有規操樂道稽古昇堂觀與伯父

匡武撫之曰亢宗保家吾有望爾悉以光人家謀圖傳付
之入太學舉明經補巴西尉內憂去職君四歲而孤重集

于蓼因心孺慕名教同傷歸次葭萌江隘毀道攀轎號慟
濤為之却蛋人哀之葺棧而濟釋服調襄陽尉主進魚家

絕鱸食州將魯王俾盤二白

集作百

魚時其亡也遺之夫人

以辭君還拜受使復王曰非唯是夫又亦賢婦吾嘗其一
得其二善焉長史盧幼孫悅是獎也舉君清幹有聞授清
城尉未往且有後命為河西營田判官物土稽人藁谷洋
羨皇揆其懋考績登焉程務挺之軍靈夏也咨君運籌乘
逝入幕獲虜數百欲勅罄之君諫曰王者之師將德是以
討叛惟武携遠在寬擇牛之畜不可破虱未擒伏念何逞
纍因止師歸策勲上柱國改溫縣尉丞永淳阻饑廣提中
外絕甘分少約已周人既喪好速室無嬖御夫人張氏詹
事丞師寂之女也敬事皇姑能佐君子娠有胎教宗如樂
諧前誌之美多所闕載絳都夫人王氏則天聖后姑之女

守而夫人之母也嘗曰婦則女訓吾女有焉享年不昧

髮徂落先時君之伯姊婦宗夫人推居屏寢事之而躬處
下室及亡設几筵於正寢惟明靈以女公之故憑巫通夢
屢寢為辭舉家懇啓久而後定嘻生則盡禮死而知讓殆
其神不昧乎溫秩滿轉洛陽尉當周之興也版都社澤郊
廟倅紛嶽僕明堂京轂回回日不暇給又勅君專物徒匠
凡三百有餘旬蘊勞成疾晡憂損壽永昌元年孟夏辛卯
卒官春秋五十有七帝用悼之贈朝散大夫旌淑紀庸禮
焉龜玉在山泉而為國寶以其靈與瑞君子居下位而上
達以其名與義夫是之寵有由也哉葭萌之戚昭其孝也
揚集作侯息浪異類胥感襄陽之饋識其繁也德形於外

聲聞於外塞垣之讜植其仁也衆俘賴全將不爲恭重務
之後底其勤也沒而益榮朝不棄力有一於此猶爲令德
况備舉乎豈其身將施其後厥子搆據擇皆國之良也爲
有後之其在是乎微搆職太子僕景龍初幸長安也未惟
考襲朱芾已佩葱珩母氏早逝而榮不及乃讓賜階乞封
先妣天子憐之制贈夫人清河縣太君人謂長安能報恩
矣詩云欲報之德昊天罔極此之謂也馬氏之哀世在扶
風清河之喪也卜宅於洛陽北集無此字邛南集無此字麓後君指
館因窆其所夫人穴於兆之甲大夫窆於域之庚今龍集
戊申將返塋故國君執友禮部侍郎嚴善思諡之曰夫子
之逝一終八辰精氣其存親壤石矣吾嘗相二士集作上從

新其愈乎且不戀本達不合塋百神尚休無咎變有集作
君者與其言叶於是祗率嘉話即安成規塋集作墳溝四塹
傍建祠宇前勒豐碑茫茫天地永懷長畢誰居後之人匪
唯是四時蒸薦之事所以觀百代祖宗之烈其祠曰
昂昂大夫有邈其致洽聞膚敏賙窮錫類行實迴川清能
改位佐邑惟五安人則四多稼穡邊昌言卮帥比義后稷
勤官沒地賦歛天朝毳衣以椽我有令德追啓清河宜家
族搢主祭神和親戚光貴劔蓋金歌相從先後樂此山河

